

2

deberet. Temperamentum illud, ait, non in eo consistit, ut vel tantillum de Zelo remittamus illo, aut vel minimum quiddam in præjudicium veritatis faciamus vel admittamus, aut denique segnes illius defensores simus. Quæ in re gravissimè & inexcusabili modo peccatur ab ijs, qui Zelum prudentia ita temperandum esse putant, ut veritatem non defendant, vindicent, promoveant, metu offensionis aut spe compensationis humane. Hanc prudentiam esse, quæso, nemo sibi persvadeat, nisi prudentie sit, scelus committere, talemum defodere, veritatem prodere — sed vera prudentia, qua Zelus temperandus est, in eo consistit, ut Zelo illo bene & utiliter ad gloriam Dei, adificationem Ecclesie, concordiam membrorum illius inter se, regni denique Christi incrementum & Satanicæ tyrannidis destructionem utamur. Et hæc ille quam verissimè. Quò magis ergo Satanæ, veritatis ille intensissimus hostis, controversiarum tractationem ex Ecclesia ejectam atque profligatam cupit, eò magis pro salute illius est excubandum. Si verò unquam durissimum necessitatis telum nos coëgit, certè nunc ad pia vocamur bella, iniquissimis his, quibus nos vivimus, temporibus; & vigiliæ erunt agenda, ubi perniciosissimi errores sub pietatis prætextu non solum proponuntur, sed etiam accerrimè defenduntur, & non pauci quibus insidias atque fraudes nosse & cavere per ætatem non licet, miserrimè decipiuntur. Atque sic quò magis tectum occultumque est venenum, eò majori cum periculo serpit, indeque eò fortiori cura & studio vitari debet. Eum hodiernarum controversiarum statum esse, nemo cordatus ambigit; hinc quo magis hi in fide errores sese occultant, & externa specie fallunt, eò studiosior danda est opera, ut in solis lucem exponantur. Ea sollicitudo quantum exercuerit dulcissimum nostrum Salvatorem, in denudandis Phariseorum erroribus externo obductis splendore; totus sacer Evangelistarum testatur Codex. Quantum defatigaverit Apostolos in detegendis Pseudo-Apostolorum larvis, quam plurimæ Sacrarum Literarum pagina testimonium perhibent plane indubitatum. Quantum vetus Ecclesia adhibuerit studium quantumque diligentiam in profligando & Semi-Arianismo & Semi-Pelagianismo, cana antiquitas vices testium sustinet. Et profecto si ille conservandæ defendendæque fidei Zelus non fuisset, nullos habuisset Ecclesia unquam Martyres, nullos nacta esset veritatis testes.